

commissariis commissa, cogitavimus per nos nichil faciendi fore in causa eadem, offerentes nos coniunctim et divisim ad singula precepta p. v. semper promptos atque paratos. Scriptum in x.

Venerabilis domine rector, concepi litteram quam videre poteritis ex alia parte, in qua duplicem causam posui excusacionis, primam tamen sufficientem non estimo et ideo de secundo feci conclusionem, quam doctoribus ostendere potestis, ut isti ponderent singula verba an aliquid immutandum sit in eadem; mutant ergo et emendent ad eorum voluntatem, et semper ero contentus.

102.

*Bischof Johannes von Merseburg überträgt den Doktoren Johann Gross, Dietrich von Bucksdorff, Johann Zwisekow und Jacob von Stendal die Beilegung der zwischen den Magistern vom Rathe der Artistenfakultät und dem Magister Johannes Breslau und dessen Schüler Erhard Schaller entstandenen Streitigkeiten.* 10  
**Merseburg, 1448 Febr. 6.**

*Hdschr.: Universitätsbibliothek Leipzig Cod. mscpt. No. 176 fol. 34b.*

Johannes dei gracia episcopus Merseburgensis ac cancellarius unicus alme 15 universitatis studii Liptzensis nostre diocesis a sede apostolica specialiter deputatus, venerabilibus viris, dominis Iohanni Grossen, sacre theologie professori ac Theoderico de Bukestorff utriusque iuris, Iohanni Zwiskow decretorum et Iacobo de Stendal medicine doctoribus, sinceram in domino caritatem fidelitatemque in commissis ac mandatis nostris huiusmodi, ymmo verius apostolicis firmiter obedire. Causam seu causas 20 inter honorabiles viros magistros de consilio facultatis arcium ex una, ac magistrum Iohannem Breslow et Erhardum Schaller ipsius magistri Iohannis scolarem partibus ex altera, quomodolibet exortas, quarum cognitioni et decisioni propter ardua nostre ecclesie negocia interesse non valemus, de industria ac legalitate vestris fiduciam in domino gerentibus specialem cum omnibus et singulis emergentibus, incidentibus, dependentibus 25 et connexis vobis aut tribus seu duobus ad minus inter vos auctoritate predicta et vice nostra committimus audiendas, decidendas et fine debito terminandas ipsasque vobis ut premittitur coniunctim aut divisim ad minus duobus subdelegamus, donec eas ad nos duxerimus revocandas, mandantes quatenus in ipsis causis via regia procedatis, facientes quod decreveritis, si opus quod ipsas causas in amicicia concordare non poteritis per 30 censuram ecclesiasticam in iure, auctoritate nostra, ymmo verius apostolica firmiter observare. Datum Merseburg anno a nativitate domini mille° cccc° XLVIII ipso die sancte Dorothee virginis, nostro sub impresso sigillo.

Item decanus facultatis arcium cum quatuor magistris deputatis nacionum ex parte facultatis respondit doctoribus prenotatis in die Scolastice virginis<sup>a)</sup> hanc propositionem: Si vellent aliquid attemptare ut arbitratores et amicabiles conquesitores in hac 35